



UNIT KOMUNIKASI KORPORAT
AGENSİ PENGUATKUASAAN MARİTİM MALAYSIA
JABATAN PERDANA MENTERI
Tingkat 10, One IOI Square
IOI Resort
62502 PUTRAJAYA
MALAYSIA



Tel : +603 – 89957016/7019/7006
Faks : +603 – 89411000
Web : <http://www.mmea.gov.my>

Ref : APMM UKK 100-2/1 Jld. 9 ()
Date : **17 April 2018**

SIARAN MEDIA

MARİTİM MALAYSIA DAN JICA ADAKAN MEMORANDUM PERSEFAHAMAN PENGAJIAN DAN LATIHAN BERSAMA

KUALA LUMPUR, 17 April - Agensi Penguatkuasaan Maritim Malaysia (Maritim Malaysia) dan *Japan International Cooperation Agency* (JICA) menandatangani Memorandum Persefahaman bagi kerjasama *Project on Enhancing Education and Training Capacity of MMEA and Encouraging Cooperation Among Neighbouring Countries* tengah hari ini di MITEC, Kuala Lumpur.

Projek ini akan diadakan di Akademi Maritim Sultan Ahamad Shah (AMSAS), Kuantan Pahang dan juga di Ibu Pejabat Maritim Malaysia di Putrajaya selama tiga tahun bermula dari ketibaan pakar dari JICA pada 21 Mei 2018.

Sejak tahun 2004, Maritim Malaysia, JICA dan *Japan Coast Guard* telah terlibat dalam projek-projek untuk memantapkan lagi kemahiran Maritim Malaysia sebagai agensi tunggal menjaga keselamatan dan keamanan perairan negara. Maritim Malaysia telah berhadapan dengan berbagai-bagai cabaran apabila Maritim Malaysia menjadi satu-satunya penguat kuasa di Zon Maritim Malaysia.

Oleh itu, dalam menghadapi cabaran-cabaran tersebut, Maritim Malaysia akan terus memantapkan ilmu dan latihan berdasarkan kemahiran yang diperolehi daripada

tenaga-tenaga pengajar menerusi kursus-kursus yang pernah dijalankan oleh JICA sebelum ini.

Laksamana Maritim Dato' Sri Zulkifili bin Abu Bakar, Ketua Pengarah Maritim Malaysia berkata, "Akademi Maritim Sultan Ahmad Shah (AMSAS) yang telah ditubuhkan oleh kerajaan Malaysia dengan visi 'Menjadi institusi latihan penguatkuasaan maritim bertaraf dunia' pernah menjalankan beberapa kursus latihan antarabangsa dengan kerjasama JICA.

Beliau menambah, AMSAS berazam untuk menjadi sebuah institusi yang cemerlang di Asia Tenggara dengan menyediakan latihan di dalam bidang keselamatan dan keamanan maritim. Tujuan projek ini adalah untuk menjalankan kursus/latihan di AMSAS bagi para peserta dari negara-negara jiran. Latihan dikendalikan oleh tenaga pengajar yang telah dilatih secara profesional untuk merapatkan hubungan di antara agensi keselamatan maritim di rantau ini.

Salah satu aktiviti di dalam perjanjian ini adalah latihan oleh pakar JICA, dimana para peserta diminta merangka perancangan untuk sebuah sesi dialog antarabangsa dengan agensi-agensi keselamatan maritim dari negara-negara jiran. Para peserta akan diberi satu tugas untuk merancang satu eksekutif penguatkuasaan undang-undang maritim yang sebenar sepanjang tempoh projek tersebut.

Maritim Malaysia dan JICA akan memantau perjalanan dan prestasi projek ini dan bakal disemak setiap enam bulan sekali.

-TAMAT-

Sebarang pertanyaan boleh menghubungi :

En. Adeli Bin Husin
Tel : 012-6592068
Off : 03-8995 7006
E-Mail: adeli@mmea.gov.my